

۱۲۳.۴۵۶۷۸۹

اتبعون اهدكم سبيل الرشاد

صاحب دمریر مسئول : ع . اشرف ادیب

اجرا شدند طولانی بدایه حبسه محکوم ایش ویریلن حکم استیناف اولمشدر . بومشله دن یکریمی کون سوکره محکوم اولان ضابط حکومت قونخی قاپه سنده بکایه رک ، اورادن کچمکده اولان جمال بکه بر باستونله تجاوز ایش وعقببنده عدلیه مأمورلری بوایکنجی یولسز معامله اوزرینه مأموریتلری موقه ترکه نظارته استعفا لری ویرمکه تثبیت ایشلردی . عینی زمانده جمال بک عزت واستقامتنه ، حسن اخلاق وناموسنه مفتون اولان بیروت وملحقاتی اهالیسی ده پایلان حقسزانی عدلیه نظارته پروتستو ایلکه باشلاشلر . وبویوزدن فنا برطانیسزاق یوز گوسترمکه باشلامشدر .

اخیراً بوقارغشه اقلره ، طائسز اقلره نهایت ویرمک ایچون جمال بک نفسنه جداً ظلم ایدوب متجاوز ضابطه قارشو حقنی حلال ایتک فداکارلنده بولمقی صورتیه مسئلهیه خاتمه ویرمشدر . بونک اوزرینه میرمومی الیهک انیه ومحمد اخلاقیه سیله فداکارانی بالجله اهالی طرفندن مظهر تقدیر اولمشدر .

بو ذات ، ایتالیانلرک بیروتی بومباردمان ایتدکاری ائنده مسلح اولهرق رفاقتنده کی یولسزله برابر طولاشمقله ، آسایشی محافظه ایتک وظیفه سنی ده حیه درعهده ایلکه رک بویوک برخدمت ایفاسنه مظهر اولمشیدی .

بیروت بومباردمانی ائاشنده والی ولایت حازم بک افندیکنک حزم ودرانی سایه سنده قصبه ده بویوک برفنا لک ، دها طوغریسی - آطنه ده اولدینی کی - برقتل عامک اوکی آلتش وبوصورتله دولتی عظیم غائله دن قورتارمشدر . والی ولایتک علم اداره ده کی نفوذ وقوتی هان هر آغزندن ایشتم ، مشارالیهک لایقیله بر عثمانی داهیسی اولدیفنه بوتون اهالی حسن شهادت ایلکده در .

وجداعه . ناموسمه عین ایدرم که هنوز والی ایل کوروشمدیکم حالده اهالیدن ایشتمدیکم واجرا ایلدیکم تحقیقات نتیجه سنده بوسطرلری یازیورم . بونی یازمقدن مقصدم مشارالیهی بر حسن مثال ونمونه اولهرق گوسترمک ووجودیه افتخار ایلکدر .

شیمدیلک بوقدر یتشیر . سوکره کی مکتوبلرمده بیروتک احوال سائره سنی تدقیق وتبع ایدرک ایجاب ایدن معلوماتی محترم قارئلرمزه عرض ایدرم .
مخبر مخصوصکن

س . م . ت

بلغارستانه خبر مخصوصمزدور:

—۲—

« فلبه »

اولجه یازدیغم وجهله ۱۰ تموز کونی آلافرانغه ساعت بش بحقده قرق کلیسادن حرکت ایدرک اقشام ساعت ایکیده ادرنه یه کلدیم . ادرنه بک دهشتلی بر صورتده دونادیش ایدی . اوکیجه ادرنه ده قاهره ۱۱ تموز علی الصباح اونه اون آلتی قاله فلبه یه حرکت ایلدیم . ادرنه دن حرکتدن ایکی ساعت سوکره ایدی که آرتق عثمانی یوردینه وداع ایدیوردم . اویله بر وداع که عادتاً اولادک اناسندن - سوت امیدی صروده - آیرلسنی آکدیریوردی . اوزمان ، غیر اختیاری اولهرق عارض اولان حالاتی توصیف ایدمک بر کله بولمقدن تمامیه عاجزم ، بوصورتله یأس ایچنده تمام ساعت درتده فلبه یه کلدیم .

بورایه کلدیکم زمان بنده یأس نامنه برشی قالمیه جق اعتقادنده بوانوردیم ؛ مکر بو اعتقادده تماماً مخاطی ایشمده بن کلایه میورمشم . چونکه فلبه یه داخل اولور اولمازایکی شی نظر دقتی جلب ایدیوردی :

اورادن یولجی آلمشیکن حمد اولسون تمیز (پراتیه) آلمغه موفق اولهرق یولجیلری ساحله ایندیرمکه موفق اولدی . واپورده بولنان بیروتی یاسین زاده مصباح افندیکنک دلالتیه صاحبی مسلمان و طرابلس شاملی اولان (قصرالبحر) هوتنه نازل اولدم . بوهوتل ایکی قاتلی ودکر کناننده غایت تمیز ، عرف وآداب اسلامیه موافق بر صورتده تنظیم و ترتیب ایدمشدر . مسلمان عائله لر بوراده کرکی کی راحت ایدم بیلرله . هوتلک بتون مستخدمینی ده اسلامدر .

بومشبت مسلمان اعماق قلمدن تبریک ایدم . کاشکه مالک عثمانیه نک هر طرفنده بویله کوزل ومکلف ، مفروش هوتلر مسلمانلر طرفندن تأسیس ایداسده مسلم یولجیلرک راحت واستراحتلری تأمین ایدیلسه .

۱۰ تموز :

اون تموز عبد ملیسنه تصادف ایدن کونده بیروت والیسی حازم بک افندی صورت رسمیه ده بالعموم مأمورین ملکیه وعسکریه یی ، اجنبی قونسلو - سربله رؤسای روحانییه بی بشاشته قبول ایتدیکنی برلی غزته لر یازیور . ایکندی وقتیه ده قصبه ده وجود اولان عسکرلر بر رسم کچید اجرا ایلدکنک سوکره یوم مذکورک صباحنده مصرده جوقدن برو کندوسنی تداوی ایل اشتغال ایدن واکون بیروته مواصلت ایدن طوبروق موتی قوماندانی ادهم پاشا حضرتلری بر نطق ایراد ایدرک ایتالیانلرک طرابلس غریله بنغازیده بزه قارشو دائماً مغلوب اوله جقلری اده سیله بیان ایش و بالجله حضارک تقدیراته مظهر اولمشدر .

اوکیجه بیروته اما کن رسمیه فوق العاده بر صورتده دونالدینی کی بیروته کی اشراف واعیان ومعتبرانک مسکنلری ده شان مشروطیت لایق بر صورتده دونادیشیدی . بوشهر آیین قصبه اهالیسنک بک شن وشاطر اولهرق دشمنمز اولان ایتالیانلرک تجاوزاته اهمیت ویرمدکاری اثبات ایدیوردی .

بیروت قصبه سی حقیقه معمر واوروپا شهرلرینه من کل الوجوه بکزه . مکده در . قصبه ده یکیدن برقچ کنیش جاده لر آجیلش واستانبوله بیله امثالی بولمیان الکتریکلی تراموا یلرک آمد شدنی تأمین ایل ایل خلقک استراحتی تحت تأمین آلمشدر .

بیروت مسلمانلری آیش ویریشده ، تجارتده کرکی کی امور تجاریه واقتصادیه ایل اصرار حیات وتأمین سعادت ورفاه ایتکده ، اوروپالرله رقابت ایلکده اولدقلری مع الماسار مشاهده ایلدم . بوقوم نجیب بوتون معناسیله دولت علیه - هر درلو اجنبی انترقیه لرینه رغماً - مربوط وجان وماللری بیله دولت علیه وملت عثمانیه اوغورنده فدا ایتک آماده اولدقلری فعلاً حسن وادراک ایلدم . بومحترم عنصرده قطعاً آبریلک ، غیر یلق حسن بوقدر . اقصابی ماللری یکوجود عثمانی کتله سی حالده یشامق وعثمانی بایراغی التنده ، مادام الحیاة اصرار حیات و اوقات ایلکدر . حتی حکومت قونخی جوارنده کوزل بر اجزاخانه مالک اولان بیروتی بدیع شملی افندی نامنده حیت وغیرت مجسمه اطلاقه سزاوار اولان بر ذات دوناعاً ویرکوسی نامیه هر هفته منتظماً برر غروشلق بر رسمک حکومتجه طرح ایدلسی لزومنی وبوکا بوتون عربلرک کمال خواهش وایستکله اشتراکه آماده اولدقلری سویلدی . بوراده والی حازم بکله اتحاد و ترقی مرخصی احمد فیهی بکک عربلق ، ترکک - ملیت - مسئله لرینک منازعات ومناقشات رفعله انک یرینه حسیات صمیمه نک یرلشدیر . لسنده کوسز دکاری هم مشکوره یی یادوتد کار ایتکسزین بر دورلو کچمه میه جکم .

بی طرف وهر درلو غل وغشندن آزاده وحکومتله هیچ بر صورتله ایشلری اولمیان موثوق الکلام اهالیدن ایشتمدیکم نظراً بیروته مر تکب هیچ بر امور بوقدر . هله بیروت عدلیه سی مأمورلری جداً نزیه وظیفه پرور کیمسه لردر . عدالت وحقانیت کرکی کی نام پادشاهی به اضافتله اجر ایدیلرک وبوتون تبعه نک - بلانفریق جنس ومذهب - دعوات خیریه لرینی استجلایه موفق اولمشلردر . عدلیه مأمورلری ایچنده بالخاصه بدایت مرکز جزا ریسی جمال بکک نزاهت ونزاکتیه بویوک یرفدا کارلغنی مثال ونمونه اولهرق قیده مجبور اولدم . بوحیتلی ذات کچنلرده بر ژاندارمه ضابطی یولسز معامله وظیفه

بربر کوره میورم که اورایه تشبیه ایده رک اکلاده می ! ایچنده صنعی دکنز اولوب قایقارله کزیورلر . استاد محترم عا کف بك کلمی ده ایچنده بر ساعت قدر اوطوروب منظومه لر ، نشیده لر یازهرق اکلادلی .. بناء علیه ، اللهم بزاسلاملر ده تیقظو نباء ویردیلم ده باشقه بحشه کچلم .

فله مسلمانلر بك مسیات و تمیزی

فله مسلمانلر ندره مقام خلافت قارشی اولان مربوطیت او قدر بیوک و صاعلامدر که عثمانیلر ده جزئی بر اختلاف حس ایدرلر . همان آغلامغه باشلا یورلر . بیچاره لر کوزلرینی مقام خلافت دیکمشلر ، بوتون امیدلرینی اورادن بکیورلر . دیورلر که :

— بزم بوراده راحت یشامه من ، یاتوب قالمامن ، ییوب ایچمه من مطلقاً عثمانلی حکومتک قوتلشمسی ، اونک سعادت و سلامتی ایله متاسبدر . عثمانلی حکومتک ضعفیتی ، اوراده تحدیث ایدن اختلافات داخلیه و آنک تولید ایده جکی و خامتی آکلامق ایچون بلغارستان عادتاً بر « بارو- متره در » در . هر نه زمان عثمانلی حکومتده جزئی بر اختلاف ظهور ایدرسه بز بوراده انواع تحقیراته هدف اولورز ...

تجاردن بر ذاتک دکاننده اوطور مقده ایکن آره مزده جریان ایدن شو محاوره شایان دقدر : آرقداشم دکان صاحبنه خطاباً : - نصل ، آلیش ویریشلر کوزل کیدیورمی ؟ ..

دکان صاحبی : - آلیش ویریشمز غایت کوزل کیدیور ؛ اما کوکیز شن دکل .

— جانم آلیش ویریش کوزل اولورده انسانک کوکلی شن اولمازمی ؟

— یا هو کور میورمیسک ، عثمانلی احوالی ؟ عثمانیلر آره سنده بو اختلاف ، بونفاق و شقاق دوام ایتدیکه بزم کوکیز فرحلی اولورمی ؟ بز بوراده میلیونه مالک اولسه ق بزم نه فائده ؟ مقام خلافت - الله ایتسون - بر آرز ضعیفلا - ونده سن بوراده باشنه سابقه کچیرمندن طوره بیل باقم ، بومکشمی ؟ ...

اللهم فلاکت کونلری کلمزدن اول عثمانلی مسلمانلرینک ده بصیرتلیخی آج !

فله مسلمانلری و معارف

بش آلتی سنده نبری بلغارستان مسلمانلری آره سنده معارفک ترقیسی و اولاد وطنک تعالیسی ایچون چالیشان بر جمعیت معاین بولوندیغی معلومدر . بوجعیت بر قاچ سنده لر در معارف اسلامیه نک ترقیسی ایچون سنی و غیرت و معین زمانلر ده قونفرملر عقد ایدیورمش . جمعیتک بوسنه کی قونفرمهی اسکی جمعه ده انعقاد ایلش و خزیرانک یکریمی التیسندن درت تموزه قدر دوام ایلشدر . قونفرمه ره رئیس و کاتب انتخاباتی و سائر کبی بر طاقم تفرعات ودها سوکره مکاتب ابتدائیه تعلیماتنامه سندن بر قاچ ماده تعدیلاتی قبول ایدیلرک ابتدائی مفرداتی

بررسی یقین بر زمانده بر اسلام یوردی اولان فله شهرنده طانیدیغ بر ذاتک خاه سنده ورنجه قدر اسلام نامه بر کشیدن فضله انسان کورمه مکلم ؛ ایکنجیسی ده ایچنده بولوندیغ فله نک اون اون بش سنه اولکی فله به بکزمه مسی . ایشته بوایکی جهت بنی جدأ دلخون ایدیوردی . آنک ایچون کندی کندی کندی دیور ایدم که : امان یارب ، اسلاملرک اداره سنده ایکن باقیمغه دگری اولیان فله بوکون نه حاله کلش ! هر یرده ذات و مسکنت بزم ؛ سعادت و سلامت باشقه لرینه می تقسیم اولندی ؟

طوغریسی بر قاچ سنه ظرفنده بلغارستانده کوریلن بوقدر ترقیات قارشوسنده انسان واله و حیران قالیور .

« مملکتی اعمار ایدک . چارشولر کز کوزه کورینه جک صورتده غایت دهشتلی اولسون . فقط جامعلر کز ساده وزینتسز اولسون ؛ ارضه صالح اولان قوللم وارث اولورلر ؛ اگر سز بوقانوندن انحراف ایدرسه کز بو عملکنزله کندیکنزک او یرلره لایق اولمیدیگیزی اثبات ایتش اولورسکنز ؛ اولمکه بشقه کیمسه لری وارث قیلارم ... »

دیخطاب ایدوب طوران قرآن اولدینی حالد بزلر هیچ قولاق ویرمه مشزده بونک جزاسنی شیمدی چکیورز . بویه کیدرسه - معاذ الله - دهابر چوق یرلره بشقه لرینک وارث اوله جنی شبهه سزدر . « ان الارض یرثها عبادی الصالحون »

بر مجلسده اوطوررکن بلغارستانک عقللری واله و حیران ایدن بوقدر ترقیاتنه دائر سوز آچهرق بو ترقیات سریمه نک نه سایه ده اولدینی سؤاله قارشی بلغارستان رجالدن بر ذاتک ویرمش اولدینی جوابی بالخاصه ذکر ایتمدهن کچمه جکم :

— سزده بوقفا و ارایکن قطعاً اثر ترقی کوستره مزسکنز . زیرا بز بلغارلر کندی آره مزده بک چوق فرقه لره آیریلیرز ؛ فقط بلغارلر ، وطنه تعاق ایدر بر مسئله اولورسه در حال فرقه کورولتیلرینی بر طرفه آتهرق موافق ، مخالف جمله من او مسئله ایله اوغراشیرز ؛ بلغارلق علیهنده کوریلن جزئی بر شینه قارشی مخالف ، موافق بشون غزته لر متفقاً هجوم ایدرلر . فقط سز بویه دکلسکنز ؛ ایتالیا بر طرفدن طرابلس غریبه ، حتی پاتختکنزک قبوسی اوکنده محاربه ایدیورده سزده ینه بر برلریکنزله محاربه و صندالیه غوغاسی ایدیورسکنز . سزک بایدیکنز بو حرکتی ایشالیاده سوسیالیستلر بیله یامیور ، بناء علیه بلغارستانک بوقدر ترقیاتی چوق کورمه مکیز لازمدر ...

بیلیم که دوشنیورمیز ؟ بر بلغار رجالتک آغزندن صدور ایدن بوسوزلره ، بوجوابه قارشی یوزمز قیزاریورمی ؟

بوراده یالکنز برشی دها سوبلیه جکم : بوراده بولسان معلمین محترمه دن بر قاچ دات بزی بر باغچه کورتور دیلر . بونک ده اسکیدن اسلام قبرستانی اولوب ایکی اوچ سیک لیرایه استلیدیکی حالد ویریلیوب بالآخره هیچ باره سز اسلاملرک الندن آلنوب بوباغچه نک وجوده کتیرلیدیکنی سوبلیدیلر . بوراسنی تعریف ایتک ایچون استانبولده اولیه

بوزمق امليله حكومت بر خيلي روللر اوينايش ايسهده ؛ اعضايسنك ثبات و متانتی سايه سنده بو كون حكومتك بيله ييقه ميه جني بر قوته مالك بولنيورمش . بونلر ايله توحيد مساعي ايدن معلمين اسلاميه نك ده يقين زمانده بوييله بر قوته مالك اوله جفني شمديدن اميد ايدهرز .

شمدي كلهلم نفس فلبه يه : فلبه ده بر ذكور ، برانات رشديه سي ؛ اوچده ذكور انات مختلف اوله رق ابتدائي واردر .

ذكور رشديه سي معلم اولك بيك ، انات رشديه سي معلمه سنك ۷۰۰ غروش معاشرلي اولوب بونلر حكومت سنيه طرفدن كوندرلكنده در . ديكر معلملر ك معاشاتي اقتدارينه كوره فلبه معارف انجمني طرفدن تسويه ايدلكنده در . بومكتبلر ده بولنان شا كردانك مجموعي ۳۵۰ قدردر . مکتبليخ كيدوب كزدم . مکتب رشديه روس ايمراطوري طرفسندن بلغارلره برخاطره اولمق اوزره ياييلان بلغار اعداديسنك قارشوسنده كوزل برموقعده كاسندر . شمدي به قدر نهاري اولان رشديه يه ليلى اولمق اوزره برقات ده ها علاوه ايدلكنده در . بوراده بالخاصه كويلردن كلهجك طلبه ياتهرق كنديلرينه يك ويرييله جكدر كه فلبه انجمن معارفك بولشيني ده بالخاصه شاين تشكردر . تحقيقاته نظراً بومكتب كلهجك سنه اعدادي درجه سني بوله جقدر .

يوقايرده بحث ايتديكم «قور» لردن معلمين جمعيتي فلبه مركز شعبه سي ده ها اول طاورانوب قونغره نك كشادن اول آچشدر كه كيدوب هرايكي قسمني ده كزدم . «قور» لرديمك كويلر ده بولنان معلملر ، اماملري او قوتمق ايچون آچيلمش بردرس ، بر صنف ديمكدر . اولنري مفتي بلده واسطه سيله كويلردن كتيردوب توسيع معلومات و اصول تدريس اوكرتمك ايچون برحق آي قدر تحصيل ايتديريورلر ؛ بوصورتله استقبال ايچون معلملر تشديرمكه چاليشيورلر . دوام ايدنلر ك عددی الی به بالغ اولمقده در .

فلبه معارف اسلاميه سنك فلبه مکتبليخه صرف ايتديكي مبلغ يكرمي بيك فرائق راده سنده اولوب اونايكي بيك فرائقي اوقاف اسلاميه صنديغدن ، ايكي بيك شيوزي بلغار حكومتين ، متباقيسي ده معارف انجمنك كنديسنه عائد املا كدن حاصل اولان وارداتدر .

يوقايرده سويلديكم كي شمدي به قدر بلغار معلمين قونغره سنه اشتراك ايتمين مسلمان معلملري بوسنه ايلك دفعه اولمق اوزره صوفيه ده ۸ تموز تاريخيله انعقاد ايدن قونغره يه اشتراك ايتيش وبوندين بك بيوك فائدلر حاصل اوله جفني ده اكلاشلمشدر كه بلغار معلمين قونغره سنده رئيسك حضاره خطاباً سويله مش اولديني بروجه آتي برقاچ جمله بوكشاهد بليغدر :

— بلغار معلمين جمعيتي معلمين اسلاميه يه هر وجهله مظاهرت و اونلرله برابر جر كته مه يادر ...

الله بزم عثمانلي اسلام معلملرينه ده تيقظ و انتباه و يرسون ! دعاشيله كنديلرينه اوتوز سینه لك بر بلغار حكومتك معلملرين حصه آللريني توصيه ايدهرم .

پروغراملر مذاكراتنه كيريشيلمشدر . بالاخره كوي معلملري ايچون «قور» لرتاسيسي مذاكره ايديله رك پارديه متوقف اولان بو بيوك ايشك بيانقو ترتيبيله حاصلاتندن اون بربرده «قور» كشادي تقرر ايتمش و نره لرده اوله جفني ده مركز معلمين جمعيت مركزيه سي بر لايحه ايله تعيين ايلشدر كه بروجه آتيدر : آيدوس ، فلبه ، پلونه ، روسجق ، اسكي جمعه ، هزار غراد ، شمني ، براوادي ، وارنه ، دوبرويچ ، ساستره .

بو «قور» لره دوام ايدجك افسديلر ك عددی يكرميدن دون اولمايه جقدر . شايد آشاغي اولورسه «قور» اورادن بشقه طرفه نقل اولنه جقدر . كلهجك سنه قونغره فلبه ده انعقاد ايدجك . بوسنه لك مركز شميدر .

بوسنه بلغار معلمين اسلاميه جمعيتي شاين دقت بر خطوه ترقی ده اتمشدر كه اوده درت تموزده كي اجتماعده تموزك سگزنده صوفيه ده انعقاد ايدن بلغار معلمين قونغره سنده معلمين اسلاميه جمعيتي تمثيل ايلك اوزره مکتبليخه ، معلملر ، معارف اسلاميه نك احواله واقف و بلغارجه يه آشنا ايكي ذاتك مرخص اوله رق انتخاب ايديلوب كوندرلكنه قرار و يرلمسيدير . طوغريسي بو تشبث نه قدر فائده بخشدر . بو خصوصده معلمين اسلاميه جمعيت محترمه سني تبريك ايتمكي بروجيه عدايديورم .

وظيفة مقدسه يي ايفاتمك ايچون فلبه مكاتب اسلاميه مديري خليل ذكي بك ايله روسجق معلملردن حافظ احمد مختار افديلر اكثريت آرايله انتخاب اوله رق كوندرلديكي كي معلمين اسلاميه جمعيت مركزيه رئيسك ده بو قونغره يه اشتراكی تقرر ايتمش و معلمين اسلاميه نامه كوندريلن بوذوات كرام بلغار معلمين قونغره سي طرفدن آلقشدرله قبول اولمشدردر .

تحقيقاته نظراً بلغار معلمين جمعيتي يكرمي سنه مقدم برقاچ كشي ايله ايشه باشلادين حانده بو كون بش بيك اعضاسي ، ياريم ميايون اختياط آچمه سي ، جمعيتك مالي اوله رق صوفيه نك كمعنا بربرنده ايكي بوزاللي بيك فرائق قيمته كندى ملكي اولمق اوزره بر مركز اداره سي اولديني كي ، ورمه دوچار اولان معلملر ك تداويسي ايچون بر دارالتداوي ياپديرلمق اوزره بر يكديرلمش و بر يكديرلكنده اولان برقاچ يوز بيك فرائق ده موجود ايتمش . بونكله برابر فلاكتزده ، مقدور معلملره معاونت ، مالم اولادلرينك امر تحصيل و تربيه سنه مخصوص تخصيصاتلري هب آيري بولنيورمش .

طبيعيدر كه يكرمي سنه لك بر سني نتيجه سنده وطنداشيلري اولان بلغار معلملرينك بوييله بر مؤسسه وجوده كتيرديكني كيدوب آكلانين معلمين اسلاميه جمعيت محترمه سي كندى تشكلاثلرينه ده ازياده تقويت ويره جكدردر .

بلغار قونغره رئيسك بياننه نظراً بلغار معلمين جمعيتي بك چوق صفحات تاريخيه كچيرمش ، حتى بيك طقوز يوزبش سنده بو جمعيتي

[فهرده کی مطالب رشیدی پروغرامی :

انات رشیدی سی پروغرامی

برنجی سنه : قران کریم ، علوم دینی ، حساب ، قرائت ، املا و کتابت بلغارجه ، جغرافیا ، فارسی ، تاریخ اسلام ، عالمه درسلی ، قواعد عثمانیه ، حسن خط ، عربی .

ایکنجی سنه : قران کریم ، بلغارجه ، عالمه درسلی ، علوم دینی ، عربی ، جغرافیا ، حساب ، تهعوریا ، قواعد عثمانیه ، فارسی ، تاریخ ، حسن خط ، قرائت ، املا و کتابت .

اوچنجی سنه : قران کریم ، حساب ، تهعوریا ، تاریخ عثمانی ، املا و کتابت ، علوم دینی ، عالمه درسلی ، جغرافیا ، عربی ، بلغارجه ، قرائت ، فارسی ، قواعد عثمانیه .

ذکور مکتب رشیدی سی

برنجی سنه : بلغارجه ، قرائت ، جغرافیا ، حساب ، عربی ، فرانسیزجه ، معلومات دینی ، حیوانات ، حفظ الصحه ، تاریخ اسلام ، قران کریم ، قواعد ، املا ، علوم دینی .

ایکنجی سنه : حساب ، فارسی ، علوم دینی ، حفظ الصحه ، جغرافیا ، تاریخ ، معلومات مدنی ، قواعد ، املا ، فرانسیزجه ، بلغارجه ، حیوانات ، عربی ، قرآن کریم ، هندسه ، قرائت .

اوچنجی سنه : فرانسیزجه ، بلغارجه ، کتابت ، نباتات ، هندسه ، حساب ، نحو عثمانی ، حکمت ، جغرافیا ، عربی ، معلومات مدنی ، فارسی ، تاریخ عمومی ، علوم دینی ، کیمیا .

دردنجی سنه : عقائد ، وجود بشر ، حکمت ، اصول دفتری ، معلومات مدنی ، جغرافیا ، عربی ، فرانسیزجه ، هندسه ، بلغارجه ، کتابت ، فارسی ، تاریخ ، کیمیا ، حساب ، جبر .

سبیل الرشاد بلغارستانه محاری

آقسه کیلی اصهر صحری

هندستانه مکتبی :

هندستان مسلمانلری و حرب حاضر

هندستان مسلمانلری عمومیتله محاربة حاضریه قلاً ظهیر اولدقلرنده شبهه یوقدر . دکل یالکزر هندستان مسلمانلری ، بلکه بوتون دنیا مسلمانلری مظاهرتہ شباب ایشلر ، بومستله مهمده علاقه دار اولدقلرینی فعلاً کوستر مشلردر . هرکس کندی محیطی دائره سنده تأثیر و تأثر ایلدیکی محقق اولوب یالکزر محیطلرک اختلافی درجه سنده علاقه لری ده تخالف ایده چکی شبهه یزدر . هندستان مسلمانلری محیط اعتباریلر اوچ طبقه یه تقریق اولنور : طبقه عالیہ ، که اصحاب ثروت و اعتباردر ، بونلرک هر بری دائماً حکومتک ترصد و تهدیداتی آلتنده بولندقلرندن هیچ بر وقت قلمبنده اولانی افشایدنه منلردی . حکومت هندستان مسلمانلرینی هندو (یعنی مجوسیلر) و بنغاللر درجه سنده بستمون تضیقات آلتنده بولندیره من ، زیرا آلنرده اولدینی کی قومیتلر و خفی جمعیتلرک مسلمانلرده اولدینی بیلور . مع مافیه مسلمانلرک طرابلس غرب مجاهدین کرانه اولان حسیاتی حکومت آکلادی .

ایکنجی طبقه ده اولنلر افکار منوره اصحابدر . بولرده طبقه عالیہ درجه سنده دکلده ینه دائمی ترصد آلتنده بولنورلر .

اوچنجی طبقه ده فقر و غربا و ایشجیلردن هرکدر . بونلرک سیاستله اشتغال طعمیاً حال و وقتلری مساعد دکلدر ، بونلرک قوت یومیه سنی دوشو نمکدن بشقه بر املی ، غم و کدري یوقدر .

رمضان شریفک صوک کونلری ایدی ، تلغرافلر هندستانه اعلان حرب حوادثی کتورنجه اورنالقی بر عجایب اولدی ، عموم مسلمانلر غلیانه کلدی .

غیرت دینی و حیت اسلامیه لرندن ، کوستر دکلری معاونت و مظاهرتلرندن بحث ایتکه لزوم کورمه منم ، دولت علیه و خلیفه معظمه لرینه اولان فرط محبتلرینی دخی بیاه حاجت یوقدر .

هیچ شبهه یوقدر که مغربدن مشرقه قدر بوتون مسلمانلر عینی حس ایله متحسدرلر . حرب دوام ایتدکجه ینه عینی حسیات اوزره دوام ایده چکلردر . فقط غریبدر که بوراده اولان مسلمانلر اورپادولترینک ایتالیا یه اولان مظاهراتی کوردکجه ، روسیه نک دولت عثمانیه عابنده بسلامتکده اولدینی عداوتی و بالقان حکومتلرینک حرکات بدینانه لرینی غرتہ ستونلرنده اوقودکجه بو حالی مطلقاً صلیک هلاله هجومی صورتنده تاقی ایدرلر .

امین اولوکز که هیچ مبالغه دکلدر : انکیزلرک تحت ترصدنده بولنلر طبقه عالیہ اصحابی تجاران معتبران کندی ایش کوجلرینی اونوتدیلر ، مغازه لرنده بورسندن ، تجارتدن بحث ایده چکلری برده هرکسک مغازه سی عادتاً بر محفل سیاست اولدی . هر برده محاربه حوادثی ، مجاهدینک حماسی ، اورپادولترینک خلافت عثمانیه یه اولان عداوتی و احوال ساثره ایله آقشایی بولیورلر . ایشچی فقر و عمللرله کلنجه بونزده کندی درجه لرنده مراق ایتکه باشلادیلر . هر برده غرتہ اوقویانلرک یانلرینه صوقولررق حوادث ارامقده درلر . خلاصه هر اقشام محاربه یه دائر قلبه اطمینان و بره چک بر خبر المدیجه کسه اوینه کیده میور . بوراده مصور غرتہ لرندن بری بر زمانلر حضرت سلطان محمد رشاد خان حضرتلرینک رسم مبارکلی ایله رجال دوات علیه دن بعض ذواتک اسملرینی نشر ایتش ، فقط صانیله ماش قالمش ، اعلان حرب خبری شایع اولونجه غرتہ ایکی مثلی فیاته چیقدی . هرکس الدینی رسملری خانه سنده ، یا خود مغازه سنده الک محترم موقعه تعلیق ایتدیلر . صوک و قتلر غرتہ یی ارایوبده بوله میانلره عثمانی اره سی دیه آی ییلدیز رسمی صاتیلیدی .

برکون ییلدیکم تجارتدن بری بکا کلش دیور که : یا هو ، نه یاللم ؟ اوده جوجقلر انور ، نشئت ، فتحی بکلرک رسملرینی استیورلر ، اقشام اوده کیده میورم . جوجقلر « بورسملری کتورمنر سهک اوه کله » دیورلر ، رجا ایدرم نه یاپارسهک یاب شونلرک رسملرینی کتور ، اگر بوراده بو آدملرک رسملرینی بوله منر سهک محاربه میداننه قدر کیده چکم .

— تجارتک سوزلری صوک درجه بکا تأثیر ایتدی : مصرده ییلدیکم برذاته تلغراف چککرمک موسی الیهک رسملرینی ایسته دم .

بوکی دهانه لر واز ، خلاصه خلاصه طرابلس غرب محاربه سی مسلمانلرک عمومته علی السویه تأثیر ایتدی ، بوتون مسلمانلرک کوزلری قولاقلری دارالخلافه الاسلامیه یه و محاربه میداننه معطوف قالدی . اشته هندستان مسلمانلری احوالندن برخلاصه .

عبدالعزیز نوائطی

شیرین

عثمانی — ایتالیان محاربه سی :

بیرورده برخطاب . — عموم مجاهدین اسلامیه نامنه جبل مبعوثی مجاهد محترم سلیمان بارونی افندی حضرتلری طرفندن ۵ اغستوس ۱۹۱۲ تاریخله دهیاتدن مطبوعات عثمانیه یه چکیلن تلغرافدر :

« بظرا بلسده دشمنله اوغراشمقده ایکن حکومتکده اختلافات داخلیه ایله اوغراشملرینه پک چوق اسف ایتدک . دشمن جهتنده وقوعی امیدوتنی بو حرکتی وطن عثمانی ایچنده کوسترلرک سلامت وطنی نه درجه تهدید ایلد . کلرندن ، دشمن غداریمزه نه قدر جسارت و بردکارندن غافل اولسلر کرکدر . فقط شو آفت دوام ایتمه ملی و بو کیمسه لر سربعاً متنبه و نادم اولمیدرلر . زیرا